

SSC (Secondary School Certificate) Ar Ona Man Reak' Bid.a.u Do August Cando Hoyogok'a

Banba.si ar d.uba. dak' kakhante bond akan SSC ar ona man reak bid.a.u do darakan August cando hoyogok'a mente bad.ae n'amen. At.hwar hilok' (3 July) Anto: sikha board re mit' dupur.up're noako nit.keda.

Onka leka Karigori sikhna.t board, Comilla sikhna.t board ar Dhaka sikhna.t board ren sanam chairman ko noa bid.au la.git'te akoak' apan a.pin board rean' kathako la.i sodorkeda. Jotokogeko mepenena je, August cando reak' pa.hil haptage bida.u ehop' la.git'ko kurumut.u kana. Menkhan enreho~ noa do eken sikhna.t montronaloy ak' got.a lekate bid.a.u do hoyogok'a.

Dhaka sikhna.t board ren chairman professor Topon Kumar Sorkar doe bad.ae ocokeda, Eid tayom khange SSC bid.a.u reak' nawate ta.rik ar Routine kodo sodorok'a. Banba.si reak' kathako hudiskatege nitok' khon jahan ta.rik do ban' sodorok' kana. Ente Syhlet t.ot.ha reak' hal halot nonka kana, nit ond.enak' sikhna.t t.ha~onakore bid.a.u hatao a.d.ige muskilgea. Onate Eid tayomge bida.u tis hoyogok'a jotowak' do bad.ae n'amok'a.

HUL JOHAR

Tehen' do 30 June. Mit't.en bises din kana. Metak'me Hul Ma~ha~ Kana. Got.a disomren Santalko tehen' noa ma~ha~ko manaet'kana.

Hul reak' mon'j katha do hoyok' kana la.r.ha.i ar noa la.r.ha.i do

hoelena santalkoak' sadhinota la.git' Santal Parganare. Nit do Jharkhand state ko metak' kana. Okare Santal A.diba.si hor. do menak'ko. Barea Murmu boeha Sido ar Kanhu okoekin do noa la.r.ha.i kin a.yurlet'. Bharot reak' Itiha's re bharot sadhinota n'am la.git' tina.k' la.r.ha.i do hoe akan Brit.ish Raj birudre, onako modre Santal Hul joto khon maran' hul tahe~kana. Un oktere aema jiwi do calaoen takoa ona la.r.ha.i re. Rural Bengal gazette re 'Hunter' doe ol akada je, Santal hul re 20,000 hor. doko goc' ocoyena. 1855-57 sal reak' Santal hul re ba.r.tikaete pon boeha Sido, Kanhu, Cand ar Bhaero do ba.r.ti da.yik ko gok'leda. Arko a.yurleda; hor. hoponkoak' sadhinota n'am la.git' .1857 salre Bharotre okat.ak' maran' Sipa.hi la.r.ha.i Brit.ish raj birud hoelen, ona la.r.ha.i do noa Santal Hul sec' lekatege ba.r.ti dar.e ar jor doe n'amleda.

East India Company do Bharot reak'' Rajniti ar disa.m ko calaoet' tahe~kana ar santal a.diba.si hor. koak' elakare Company ak' gor.ote ar sopohot' te aema Mahajon, Jumidar, ar Ba.nij bepari dokandar deko ko boloyena. Pa.tia.uk' ar ban' pa.tia.uk' reak' katha do noage, ren'gec', nacar ar ban'ko par.hao akan santal ko do oka dhar mahajon t.hen khon ko hatao; ona la.git' sud do 50% khon 500% ha.bic' ko emet' kan tahe~kana. Mit' dom okoe santal hopon dhare hatao akat' uni do jug jug bochor ke bochor se uniren bo~s ho~ ona dhar ko e midi akada.

Okoe hor. hopon dhar bako hataoa, onko or.ak' redo kombr.o se d.a.ka.ti do hoyok'a ar onkate jotowak' cabalen tako khan do mahajon se bepari hor. t.hen calak' chad.a jahan upa.i do ar ban' tahe~kana. Nonkate akoren ga.i, kad.a, dan'gra, jumi ar damanak' jinis ko doko at' keda. Santal do Damin-i-koh elakareko tahe~kana ar ona elakaredo hor.o , tur.i, jond.ra ar emateak' phosol do a.d.i mon'j hoyok' kan tahe~kana. Noa phosol reak' laloc' karonte Rajmohol elakaren Ban'gali dokandar, ona son'ge Murshidabad, Birbhum ar Bordhoman elaka khon Benia, Kosari, Moyra, Tili ar aema lekan ba.nij bepariko boloyena.

Onko joto beparikoge Santalko er.eyet'ko tahe~kana. Ona chad.a Damin-i-koh elaka reak' mon'j mon'j jaega jumi jor jobosti kate se dhar emkate, onko t.hen khon ko hataoet' tahe~kana. Santalko nonkate mahajon, jumidar se bepari hor. ren ka.r.mi hor. leka ko hoyena.

Jahae hor. dhar bako em saphale khan, hor. hopon ren ba.hu bit.i ko ka.r.mi leka ko khat.aoet'ko tahe~kana. Nonkate santal koak' sadhinota do cabayena. Okoe santal hopon Mahajon t.hen dhar bako hataoet' tahe~kana;onkan santal ko la.git' et.ak' upa.iko beboharet' tahe~kana. Ar ona do nonka leka, D.an'gra, ha.tikote phosolko nost.o ocoyet' tahe~kana. Nonkate santal hor. hopon ko talare ren'gec' par.aolen khan; onko mahajon se jumidar t.hen khon dhar ko hataoa ar bako em dar.eak' khan onkoak' jumi bhog dokhol ko hataoa. Santalkoak' noa muskilanak' oktere Sido ar Kanhu n'utuman barea jua.n boeha Brit.ish Raj ar onkoren cela chamanda birudre la.r.ha.i kin got.akeda. Ona 30 June, 1855 salre. Santal Pargana reak' Bhognadihi ato reak' matcher hajar hajar hor. ko jarwayena. Onko do akoak' Sadhinotako la.i sodor keda ark o ekrar.ena je, Sido Murmu ar Kanhu Murmu ak' a.yurre tahe~kate Brit.ish Raj ar onkoren gateko birudre la.r.ha.i la.git' ko got.akeda. Onko do akoak' sadhinota ko la.i sodorkeda ar Sid oar Kanhu Murmuak' a.yur latarre ekrar. tahe~nte Brit.ish Sarkar Mahajon ar Jumidar birud re la.r.ha.ikin sodorkeda.

Santal Pargana elaka re gulmal rakap'en khan 7 July sarkari police son'ge onkoak' samna sa.mni n'apam hoyena ar Murmu boehakin Police hotete kin sap' ocok' kana an'jomkate gadel hor. do a.d.i ba.r.ic'ko ran'gaoente police ar onkoren gor.o hor. ho~ko goc' ocoyena. Noa ghot.ona tayom Company ren Army son'ge hor. hopon hopon koak' maran' la.r.ha.i do hoyena. Pa.hil dhapre santal hopon ko okoe kodo Sid oar Ka.nhu Murmu hotete ko a.yur ocok'kan tahe~kan, a.d.i hahar.a leka ko dar.eyena ar ona son'ge a.d.i maran' jaega Bhagol Pur Zila. reak' Santhia ha.bic' ko dokholkeda. One onate Brit.ish Raj reak' a.d.i la.t.u jaega do usa.ra Santal hor. hopon dokhol re hec'ena.

Company ren sa~o ka.mia.ko art .aka poesa ren bepari ko goc' ocoyena. Brit.ish Raj reak' office ho~ Pa.kur. zila. teko idikeda akoak' jiwi ban'cao la.git'. Menkhan santalko noa la.r.ha.i aema din do bako sap' doho dar.eada ente East India Company do la.r.ha.i reak' sap'dap' jinis ko son'ge kate jemon ba.nduk, Kaman ar ha.tiwante hor. hopon ko birud la.r.ha.ireye phed.ena. Disa.mko calaoet' kan hor. hotete aema dilga.ria. santalko mit' son'ge teko goc' ocoyena. Noa la.r.ha.ire 50,000 Santal ko la.r.ha.i selet'ko tahe~kana ar bhitrire 15,000 khon

20,000 santalko British India Company hotete ko goc' ocoyena. Company do noa la.r.ha.i 1856 sal reye thir ocokeda, thor.a la.r.ha.i do 1857 sal ha.bic' calao idiyena.

Santal hor. hopon ko Company ren sipa.hi birud la.r.ha.ire a.d.i dilga.r.ia. ar birbant.a ko sodorkeda. La.r.ha.i okte onkoak' tumdak' t.amak tin ha.bic' ko ruiet' tahe~kan, un habic' joto hor. ten'go ket.ec' kate ak' sar ko tun'et' tahe~kana. Nonka leka bad.aok' kana je, mit' dhom pon gel santalko company ren sipa.hi t.hen ban' soprot kate mit't.en hasa or.ak're t.ha.~iko hataokeda. Sipa.hi kodo ona hasa or.ak' got.ako eset' a.curkeda ar ba.nduk teko guliket'koa. Menkhan santalko akoak' a.pa.r.i te ona reak' jobab ko emkeda. Sipa.hiko ona hasa or.ak' reak' pa.cri ar ere a.d.i maran' ghad.lak' ko n'amkeda ar Captain do okoeye hukumat'koa jemon ko soprotok' menkhan onko do ona ghad.lak' or.ak' khon ban' od.ok kate mit' son'gete a.pa.r.i ar.ak'ko ehop'keda.

Captain do arho~ hor. hopone kuliket'koa jemon ko soprotok'; onko do artet'ge a.pa.r.i tutun'tegeko tahe~yena. Ar thor.a sipa.hi doko tun' jos ocoyena. Mit' gha.r.i tayom ona hasa or.ak' khon a.pa.r.i hijuk' komao idiyena; Captain do ac'ren sipa.hi son'ge kate ona or.ak' teye boloyena ar uni do mit' har.am hor. a.d.i muskil dosareye n'el n'amkede. Uni do ba.nduk reak' guli teye ja.bun akan tahe~kana. Uni har.am hor. do goc' hor. koak' hor.mo lahareye ten'goyena. Sipa.hi do uniye metadea jemon ac'ak' ha.tia.r doe gid.iy; menkhan uni do ba.r.ic'-e ran'gaoena ar uni sipa.hiye goc'kede. ac'ak' la.r.ha.i t.en'goc'te.

Noa do a.d.i hahar. age je, Sido do bepa.tia.r hor. hotete British Sipa.hi t.hene sap' ocoyena ar Kanhu do Uparband n'utuman jaegare la.r.ha.i oktereye goc' ocoyena. Nonkate santal hul do cabayena. Noa la.r.ha.i do a.ur.iak' do ban' tahe~kana, noa la.r.ha.i te a.d.i maran' upka.r ho hoe akana. Santal Pargana Tenancy Act do noa la.r.ha.i sec' lekate do n'am akana; one ona do Colony reak' ba.r.ic' se ket.ec' niam khon santal a.d.iba.siko mon'j tahe~n la.git' nawa a.n do bahalena. Gulmal oktere okoe do police ka.mi reko tahe~kan, onko doko ocok' ocoyena ar santal ko okoe ko Jumidar, bepariko, mahajon ko hoteteko kpclon ocolen onko doko sap' ocoyena. Nonkate ona

elakare supuluk do hec'ena ar santal elaka do janamena.

Santalkoak' noa la.r.ha.i Santal Hul n'utumtege ba.r.ti do bad.aok' kana. Sid oar Ka.nhu ak' noa la.r.ha.i aboak' dina.m din reak' la.r.ha.i jin'gi re udga.u bon n'amkeda. Noa la.r.ha.ire Santal jua.n ko do pa.hil sa.r reko tahe~kana. Ona chad.a maejiu ko ho~ noa la.r.ha.i re aema lekate gor.o ko em akada.

Santal elakare noa la.r.ha.i tahe~kante noa la.r.ha.i ren asol a.yurkodo Santal geko tahe~kana. Tobe santal chad.a ho~ noa elakaren et.ak' a.diba.si jemon, musla. Bengali, hindu, kamar, ren'gec' casa bad hor.ko noa la.r.ha.ireko selet'lena. Onate noa santal la.r.ha.i do hoe akan tahe~ kana joto lekan ren'gec' sadharon hor.ak' sadhinota reak' la.r.ha.i. Noa la.r.ha.i reak' dipisa. n'utumte joto santal boeha misera la.git' tahe~nkana 'Santal Hul Johar.

28 June Khon 16 July Ha.bic' Primary Sikhna.t T.ha~ona Bond Tahe~na

Darakan 28 June khon ehop'kate 16 July ha.bic' disom reak' sanam sarkari Primary sikhna.t t.hao~nako bond tahe~na. Cedak'je Prathomik Sikha Odihaptor (DPE) noa hukume ja.hir akada .Menkhan noa chut.i do arho~ bar bhagte menak'ma.

Metak'me, 28 June khon 5 July do Summer n'utumte chut.i ar 6 June khonak' 16 July ha.bic' do Eid-Ul-Azha n'utumte sikhna.t t.ha~onako bond tahe~nkana.

Manotan Maran' Montri ak' 10 Got en Bises Nawa Etohop' Babot La isad e cepec' Sabha

Rajshahi khudro Nrigosthi Cultural Academy ak' a yurte Rajshahi caritas auditorium room re hoe pura uena. Nia cepec' sabhare disom a yuric' Maran' montri Sheikh Hasina ak' 10 got en nawa sirjon rean' badaejon' galmarao hoyena.

Nia galmaro se cepec' sabha re maran' per a hisa bte selet'e tahe~kana G S M Zafrullah, ndc District commissioner & chairman Academy executive, Rajshahi cultural Academy ; Mn kollyan Chowdhury, Deputy Director & additional district commissioner, Rajshahi.

Ena chad a ho~ Santal, kolhe, Munda, Mahali, Mahato, kod a, Bormon, pahar i, Malo, Oraon ja tia ri koren hor ko selet'ko tahe~kana. Noko modre saota susaria, saota lahanti kamia ko, mahasoe, sikhna t ka mihora lahanti, casabad ka mihora lahantiyanko, birbant a furga lia ko ho~ selet'ko tahe~kana.

Nia cepec' shabare mn.maran' montri ak' 10 got en sirjon do noako kana:

1. Maejiu koak' a ida ri 2. Asrayon se Or ak' em ka mi 3. Sikhna t lahanti gor o 4. Polli sancay bank 5. Digital Bangladesh 6. Community clinic ar gidra koak' bud a kil pachnao 7. Ba nijbepari reak' lahanti ka mihora 8. Poribesh se apnar ad epase sirjon rukhia 9. Saota rukhia ka mihora 10. Sanam ko la git' bijli sen'gel. Nia cepec sabha re maran' manjhi hisa btey tahe~kana Benjamin Tudu Research officer, Rajshahi Divisional Ethenic Cultural Academy.

Kumku Reak' Sakoe Udha ukeda Manotan Maran Montri Sheik Hasina

Kukmu do sa.riak'ena. Una.k din khonak' ta.n'gi ta~r.a~k' tayom kukmu reak' sakoe ud.haukeda manotan maran' montri Sheik Hasina. Tehen' Sa.nicar (25 June) tikin 12 baja okte noa sakoe ud.ha.ukeda.

Tehen'ak' ud.ha.u akhr. are sor sa.n'gin khon a.d.i uta.r hor.ko set.erlena. Ar noa ud.ha.u talatege disom reak' da.khin t.ot.haren hor.ko sa~o d.ahar horte jogajog la.git' mit't.en dua.r do jhic'ena. Maran' montri Sheik Hasina do ud.ha.u akhr. are menkeda, Noa sako do ban'gladisomren hor.ko la.git' mit't.en gorob reak' cinha. kana.

Noa sako sa~o Ban'gladisomren hor.koak' dil dar.e ar gorob jonor.ao menak'a. Emd.ekhan okoe ho~ ban'ko hape dar.ekebona. Noa sako talate arho~ disom do lahanti sec' mohnd.ak'a, ente mon'j hor do tearena. Noa horte nit ba.nij-beparko arho~ napaete hoyogok' reak' a.t do Ban'gladisomren hor.ko n'amket'a. Ba.r.tikaete okat.ak' kukmu tahe~kan noa sako la.git' ona do pura.ueno. Noage a.d.i ra.ska. reak' sombat do.

Tehen'ak' ud.ha.u akhr.a napaete hoyena. Noa sako talate disomren hor.ko gorob arko ra.ska. kana. As menak'a noa sako Maran' montri ar disom hor.koak' okat.ak' kukmu menak' ona mit'din sa.riagok'a.

Bharot Disomren Rastrapoti La git Pahil Pachanore Mn Draupadi Murmu ak N'utum Ucha nena

Ramnath Kobindo tayom Bharot disomren tayom daram a.k'yuric' Rastropoti okoe hoyok'ma mente a.d.itet' kathako ud.a.u upha.r bar.ae kan tahe~kana. Onkaleka bad.aeteak' ar ra.ska. sombat do noage je, Jharkhand ren Draupadi Murmu ak' n'utum ho~ nia. dhao ucha.nena. Hola (21 June) Mon'golbar Bharot disomren Maran' Montri Norendro Modi do BJP ren maran' a.yurko sa~o mit' ba.isi hoe ocokeda.

Ina.kate NDA do akoak' Rastropati huda. reak' n'utume n'umket'takoa. Draupadi Murmu do BJP san'gar.he~ do_l ren Rastropati candidate kanae. Nui do 1958 serma reak' 20 June Orisar Mayurbhanj nagraha reak' Baidyapsi atorey janam akana. Apatet'ak' n'utum do Biranjhi Narayan Tudu. Nia. lahare Jharkhand nagraha cak'laotic' re are ak' huda.rey bachao ocolena. Menkhan unige pa.hil uta.r cak'laic' do bachao n'amlena ente napaete mo~r.e~ serma doe pura.u akada.

Draupadi Murmu do nia. lahare Orisa ren Montri hisa.bte tahe~kana. Ar 2000 serma khonak' 2004 serma ha.bic' Rairangpur Bidhansobha centre ren bidhayok (MLA)-e tahe~kana. Un okte BJD ar BJP- dolren Sarkar tahe~kan okte Montri huda.rey tahe~kana. Aema lekan da.yik ko uni cetanre tahe~kana. Ar jotowak'ge a.d.i napaete n'el jut are sambr.ao akat'a. Menkhan nit noa election rey bachao n'amlenre Rastropati huda. doe hamet.jon'a. End.ekhan a.diba.si santalko modre niuge pa.hil uta.r Rastropati doe bachao ocok'kana.

SSC Pa . t . hua . Gidra . koak´ Bid . a . u Arho~ Tayomena

Sanamkoge bad . aeabon je, nes reak´ SSC bid . a . u do darakan 19 June khon ehop´ reak´ katha tahe~kana. Menkhan Ban´gladisom re menak´ joto sikhna . t board reak SSC General, SSC Vocational ar Dakhil bid . a . u do hapeyena. Arho~ bonodol akan bida . u reak´ somoysuci tayomte bad . ae n´amok´a.

Ente disom reak´ banba . si kha . tirte nonkae got . akeda Sikhna . t Montronaloy. Noa khobor do Sikhna . t Montronaloy ar jonosonjog a . piser M A Khair-e kolakat´ mit´t . en d . ha . rwa . k´ talate bad . ae ocoakana.

Source: bssnews

Darakan 15 June Khonak´ 7 July Dha . bic´ Joto Coaching Centre Bond Tahe~na

SSC bid . a . u ehop´ la . gidok´kante darakan 15 June khon pe hapta Bangladisom reak´ joto coaching centre ko bond tahe~na mente Sikhna . t Montri Dr.Dipu Moni la . i lahakeda.

Arho~e menkeda je, bid . a . u ehop´kate coaching centre dekbhal ar non´jor reko dohoea. Ente bid . a . u okte adom adom coaching centre jhic´ge tahe~na. Onate bond dinre jaha coaching centre jhic´ko n´amlere, , a . n lekate onko birudre bebostha hataok´a mente ho~ la . i lahayena. Ente noa do maran´ uta . r se ja . r . ur . teak´ ar bad . aeteak´ bisoe kangea.

Pa_hil Bar Gel (20) Modre Re T_ha_~iana Bakur_a Ren Suvasish Hasda

Hola calaoen Sokolbar (10 June) West Bengal Board re hoe akan High School reak' result sodorena. Kocbihar jila ren Anisa Dev Sharma 498 nombor n'amkate Pa_chim Bon'go pa_t_hua_ko modre pa_hil tha~iye a_ida_rijon'ana. Nes noa bid_a_ure pas se jita_uen gidra_koak' son'kha tahe~kana 88.44 percent. Arho~ bad_ae n'amena Bakura jila_reak' Bakura Christian Collegiate re par_haok'kan Suvasish Hasda n'utuman pa_t_hua_kor_a mot_re 479 nombor n'amkate bar gelko modrey t_ha~iana.

Jo_to_bisoe re n'am akat' nombor latarre emena:

Bangla 88, English 96, Computer Aplication re 98, Dorson 99 ar Bhugol re 95 nombor-e n'amakada.

Pa_hil bar gel modre t_ha~iante apat' Lal Mohon Hasda ar en'gatet' Nilmoni Hasda asambher_kin kusiyena. Suvasish ren en'gat apat' bana hor_ge BSNL ren ka_mia_hor_kin tahe~kana. Menkhan nit' do ban'kin ka_mikana. Tinre en'gat-apat t_hen hor_ko a_kinren gidra_wak' result babotre bad_aejon'ko khojkeda, Unre sa_rige a_d_i go_ro_b salak' kin menkeda, as tahe~kana gidra_mon'j jo_e n'ama mente. Sin'ke n'inda_mone gad_aokate par_hao akana. Jahan a_r_isge ban' tahe~kantaea. Ar nit Ona reak' jo_e n'amkeda.

Tayom daram dinre cele hoyok'a mente kuklikedere, ror_rua_r_keda, Nit do College re bhorti la_git' par_haok'e ehop'keda. Ente Bharot nagraha reak' bhage uta_r Biswabiddaloy re se English te Graduation la_git' a_d_itet' sana ar kukmu menak'taea. Ina_kate bida_ure rakap'en pa_t_hua_gidra_ko nonka menkate udga_uket'koa, je_, gogo-baba ar gatekoak' katha leka do ban' bickom apnar kusi metak'me oka bisoe-em

kusik', onage par haok'me. End ekhan olok' par haok' talate ra.ska.m at.kara. Ar nonakate olok' par haok' jingirem laha dar.eak'a.

Tuma_l: Sarsagunpatrika

Santa_lkoak' Jumire EPZ Alo Hoyok' Kha_tir Santa_lkoak' Ten'go Daram Ba_isi

Gaibandha Gobindogonj re Sahebgonj ba.nij-bepar kha.tir EPZ ba.isa.u la.git'te oka mon suba. tahe~kan ona ba.til la.git'te mit't.en ba.isi se jarwak' hoyena. A.gil hapr.amkoak' noa jumi n'utumte Mon'golbar setak' upa.jila. Kat.amor t.othare a.diba.si ar santal hor.ko mit'te noa ba.isireko selet'ena. Sahebgonj-Bagdah Farm bhumi udhar songram committee, Jatio Adibasi Porisod, Adibasi-Bangali Songhoti Porisod, Gaibandha Samajik Songram Porisod noa ba.isi ko sap'r.aoleda.Santalkoak' jumire EPZ alo hoyok'ma ror. uduk'ket'a, jeno santalkoak' ma~ya~mte a.rup' akan noa cas-abad jumi nost.o kate EPZ alo benao rakabok'ma.

Sahebgonj-Bagdah Farm Bhumi Uddhar Songram Committee ren convener Philimon Baskey noa ten'go daram ba.isi a.yurkeda. Noa ba.isire mit' kathako ror.ket' manotanko modre Bangladesh Orthoniti Somiti ren sabha mukhia. Professor Dr.Abul Barakat, Dhaka Biswabidaloy ren mahasoe Professor Rubaet Ferdous,Jatiyo Adibasi Porisod ren sabha mukhia. Robindronath Soren, LLRD ren nirbahi Director Shamsul Huda, Jasad Cendrio Committee ren sangothonik Sompadok Golam Maruf Mona, Jela Association ren sa.da.i sompadok Sirajul Islam Babu, Basad Nogaon jila. ren mit' convener Joynal Abedin Mukul, Gaibandha Samajik Songram Porisod ren convener Jahangir Kobir Tonu, Adibasi-Bangali Songhoti Porisod ren a.yuric' Golam Rabbani Musa, Probir Chokroborti, ar et.ak'ko modre Dipayan Khisa,Afzal Hosain, Mirinal Kanti ho~ selet'e

tahe~kana.

Manotan sawalia ko ror sodorkeda, noko pea santal hor ko goc' babotre nit ho~ jahan bica_r ban'ge hoy akana. Bica_r n'utumte sarkarak' aema adalot ar doptarkore nana parkan katha ror a.nd.un' bar.aet' kana. Menkhan asami dusi hor ko laha lahateko a.cur bar.aekana. Okoege ban'ko giripteret'ko kana. Ona ia.te noko dusikoak' bica_r ko khojkeda. Ona sa~o or.ak' raput', lut.pat. ghot.na reak' khotipurunko khojkeda. Ar bises kaete je_mon noa jumire EPZ alo benaok'ma, noa babotre Sarkar t.hen neho~r ko dohoket'a.